



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: UP-1/21-1-40-253-2/23

Datum: 21.06.2023. godine

«Agencija za vodno područje rijeke Save» Sarajevo rješavajući po zahtjevu Ministarstva poljoprivrede, šumarstva i vodoprivrede Tuzlanskog kantona dostavljenom na nadležno postupanje ovoj Agenciji a u postupku donošenja rješenja o prethodnoj vodnoj saglasnosti za rekonstrukciju dijela priključne saobraćajnice od taložnice „Bijelo more“ na magistralnu cestu M-4 dionica Donja Orahovica- Šiški Brod, na osnovu člana 109. stav (1) Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE

Odbija se zahtjev pravnog lica «SISECAM SODA» d.o.o. Lukavac, za donošenje rješenja o prethodnoj vodnoj saglasnosti za rekonstrukciju dijela priključne saobraćajnice od taložnice „Bijelo more“ na magistralnu cestu M-4 dionica Donja Orahovica- Šiški Brod, na zemljištu označenom kao k.č. 4234, 4244, 4243, 4242/1, 4239 i 2810 K.O. Lukavac, Grad Lukavac s obzirom da je po ovom pitanju odlučeno drugim upravnim aktom kojim je obuhvaćena i predmetna aktivnost.

Obrazloženje

Ministarstvo poljoprivrede, šumarstva i vodoprivrede Tuzlanskog kantona dostavilo je ovoj Agenciji akt broj: 04/1-11-21-42161/22 od 08.06.2023 godine na nadležno postupanje i isto se odnosi na zahtjev pravnog lica «SISECAM SODA» d.o.o. Lukavac zaprimljen dana 15.06.2023 godine, za donošenje rješenja o vodnoj saglasnosti za rekonstrukciju dijela priključka taložnice „Bijelo more“ na magistralnu cestu M-4 dionica Donja Orahovica- Šiški Brod, na zemljištu označenom kao k.č. 4234, 4244, 4243, 4242/1, 4239 i 2810 K.O. Lukavac, Grad Lukavac.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra matični broj subjekta upisa: 1-13849 07.06.2022 godine izdato od strane Općinskog suda u Tuzli-ovjerena kopija;
- Izvod iz posjedovnog lista 330 broj: 05-26-2-555/23-1 od 14.02.2023 izdat od strane Službe za urbanizaciju, imovinsk i geodeske poslove, Grad Lukavac-ovjerena kopija;
- Izvod iz posjedovnog lista 338 broj: 05-26-2-555/23-1 od 14.02.2023 izdat od strane Službe za urbanizaciju, imovinske i geodeske poslove, Grad Lukavac-ovjerena kopija;
- Izvod iz posjedovnog lista 4128 broj: 05-26-2-555/23-2 od 14.02.2023 izdat od strane Službe za urbanizaciju, imovinsk i geodeske poslove, Grad Lukavac-ovjerena kopija;
- Kopija katastarskog plana broj plana UR broj: 05-26-2-555/2023-4 od 14.02.2023 godine izdata od strane Službe za urbanizaciju, imovinsko i geodeske poslove, Grad Lukavac-ovjerena kopija;
- Uvjerjenje broj: 05-19-636/23 od 21.02.2023 godine izdato od strane Službe za urbanizaciju, imovinsko i geodeske poslove, Grad Lukavac;
- Izvod iz prostornog plana Tuzlanskog kantona broj 05-19-636/23 od 20.02.2023 godine izdat od strane Službe za urbanizaciju, imovinsko i geodeske poslove, Grad Lukavac;

- Dopisi «SISECAM SODA» d.o.o. Lukavac broj 4533/22 od 22.12.2022 godine, broj: 299/23 od 26.01.2023 godine, broj: 818/23 od 28.02.2023 godine i broj: 1547/23 od 09.05.2023 godine upućeni prema Ministarstvo poljoprivrede, šumarstva i vodoprivrede Tuzlanskog kantona;
- Mišljenje broj: 05-19-1267/23 od 27.04.2023 godine dato od strane Službe za urbanizaciju, imovinsko i geodeske poslove, Grad Lukavac;
- „Studija za izdavanje prethodne vodne saglasnosti za za rekonstrukciju dijela priključka taložnice „Bijelo more“ na magistralnu cestu M-4 urađena od strane «TQM » d.o.o. Lukavac, februar 2023. godine;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo u ovoj upravnoj stvari.

Uvidom Studiju i dostavljenu dokumentaciju može se konstatovati sljedeće:

Lokacija predmetne aktivnosti-Rekonstrukcija dijela priključka taložnice „Bijelo more“ na magistralnu cestu M-4 dionica Donja Orahovica- Šiški Brod, je na zemljištu označenom kao k.č. 4234, 4244, 4243, 4242/1, 4239 i 2810 K.O. Lukavac.

Predmetni objekat povezuje taložnice Bijelo more sa magistralnim putem M4 Tuzla –Doboj.

Priključni put omogućava prilaz kamionima i građevinskoj mehanizaciji angažiranoj za potrebe «SISECAM SODA» d.o.o. Lukavac taložnicama Bijelo more sa magistralnog puta M4. Postojeći priključni put je potrebno asfaltirati u cilju trajnog smanjenja prašine na ovom dijelu magistralnog puta kako bi se spriječilo iznošenje zemlje i blata na isti.

Dužina priključnog puta iznosi 47, 00 m, širina 7,00 m.

Paralelno sa priključnim putem teče potok Lukavčić na udaljenosti cca 25 m. Potok Lukavčić uliva se u rijeku Spreču nizvodno posmatrajući potok Lukavčić na udaljenosti cca 180,00 m od priključnog puta.

U ispitnom postupku provedenom u procesu utvrđivanja činjenica bitnih za odlučivanje po zahtjevu pravnog lica «SISECAM SODA» d.o.o. Lukavac, uvidom u bazu podataka ove Agencije utvrđeno je da se predmetne zemljišne čestice ne nalaze u vodnom dobru, odnosno plavnom području.

Lokalitet na kome se planiraju radovi na rekonstrukciji dijela priključka taložnice „Bijelo more“ na magistralnu cestu M-4 dionica Donja Orahovica- Šiški Brod nije u koliziji sa stalnim, privremenim i povremenim vodotocima u smislu ukrštanja i kolizije sa istim.

U Studiji je navedeno da će se odvodnja potencijalno onečišćenih otpadnih voda sa projektovanog priključnog puta vršiti preko betonskog otvorenog prihvatnog kanala širine 0,80 m sa predviđenim AB taložnikom –pjeskolov i definisanim oknom za monitoring prije ispusta tretirane otpadne vode u potok Lukavčić.

Kao podloga kod izrade Studije između ostalih dokumenata je korišten i Glavni Projekat rekonstrukcije dijela priključka taložnice „Bijelo more“ na magistralnu cestu M-4, dionica 010, Donja Orahovica –Šiški Brod, urađen od AiK-Inženjering d.o.o. Banovići a po kome će se izvoditi navedene aktivnosti.

Kod ove Agencije se vodi postupak po zahtjevu pravnog lica «SISECAM SODA» d.o.o. Lukavac za donošenje Rješenja o vodnoj dozvoli za ispuštanje tehnoloških otpadnih voda, oborinskih onečišćenih voda i promet opasnih materija koje nakon upotrebe dopijevaju u vodu sa lokacije izgrađenog kompleksa Fabrike Sode Lukavac u rijeku Spreču, općina Lukavac čime su obuhvaćene i interne saobraćajnice u koju spada i navedena priključna saobraćajnica.

Predmetna saobraćajnica koja se planira rekonstruirati se nalazi na prostoru koji je obuhvaćen navedenim zahtjevom i po svom karakteru i funkciji je povezana sa problematikom prikupljanja i tretmana oborinskih onečišćenih voda sa radno manipulativnih površina, procjednih onečišćenih i drugih zagađenih voda i faktički predstavlja proširenje sistema prikupljanja, tretmana i ispuštanja tehnoloških otpadnih voda na predmetnoj lokaciji te će se uslovi za ispuštanje otpadnih voda propisati postupku donošenje Rješenja o vodnoj dozvoli, koji je u toku.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 109. stav (1) Zakona o vodama, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija, dipl.inž.tehn.

Po ovlaštenju
Rukovodilac sektora za
izdavanje vodnih akata

Haris Ališehović, dipl.inž.građ.

Dostaviti:

- «SISECAM SODA LUKAVAC» d.o.o. Lukavac, Prva ulica br.1, Lukavac
- ⊖ AVP, ISV – Vodna knjiga
- Sektor 40, arhiva
- Oglasna Tabla AVP Sava Sarajevo